



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

С новым роком — нове житє.

Зачинаме новый рок. Єст то час обрахунку доходов и втрат в прошлом році. Добрый газда и добрый отец родини вгляне в том часі напевно не лем в то, што он пригазовал, але также зважит, чи выполнил он все обовязки, якы тяжат на нем яко на отци родини и на члені громады, народа и державы.

Найважнійши обовязки, якы тяжат на каждом с нас, сунт обовязки в виду наших дітей, бо якы діти, така будучность власного господарства, села, народа и державы.

Добрый господар показує уж от найважнійшой молодости своему сынови - наслідникови всякы господарскы тайны и мудрости и захоочаг свою дітину, штобы она придбала собі новы способы до веденя и поднесеня господаркы и тым самым штобы она могла вытягнути с господаркы якнайвысши доходы.

Добрый газда уміє также належито оцінити роботу своих дітей и челяды. Он шанує себе, шанує дітей и шанує челядь, знає, што належит ся каждому с них и знає, яком мірком отміряти нагороду за труд каждого.

При належито поставленной господарці, господар кладе ся спокойно спати, а на старости літ приглядат ся с вдоволенем незмарнованым своим молодым літам. Діти шануют старого, старый тішит ся дітьми и коли приходит ся ему закрыти очи на вікы, он спокойно умерат, знаючи, же его господарство перейде в вышколены и добры руки.

Як в поодыноком господарстві, так само діє ся и на селі. Што за сильна была бы така громада, яка складала бы ся с самых добрых, по Божому выхованых родин - господарств. А если бы так собрати все господарства и все села, якы належат до одного народа. Што то была бы за сила велика?!

Чи нашла бы ся на світі сильнійша держава? Чи посміл бы кто нибудь нарушити ю, або мачати там свои брудны руки? Напевно ні! Бо при найменьшой напасти господар такой державы обтял бы с місца нападничоєи руки.

Тепер, при распочатю нового року привадуемає ся, чи єст то можливе и осягаєме, штобы все в родині, в селі, в народі и в державі жили в згоді и разом ложили свой усиленный труд для добра народа?

Єст то не лем можливе, але конечно потребне и без того не може быти бесіди о господарчом и культурном поднесеню села. Тепер лем добре сорганизована нация, добре загосподарованный народ, добре выховане и сорганизоване село, котре операт ся на сильных господарствах - родинах має возможность существовати и розвивати ся. А то все залежит от доброго выхованя молодежи. Кто-ж то выховує молодеж?

А по в першой мірі отец и мати. Дітина открыват свои оченята в родной хаті, от матери и отца слышит перши слова, их видит найперше. Родичи учат дітину мовы, они показуют ей перши крокы, они провадят ю до церкви, пак до школы и наконец до читальни и до кооператыва.

На выховане молодежи складают ся отже: родна хата, церков, школа, читальня и рижны господарчи товариства. И на правду счастлива єст дітина, котра достане основы для своего житя, оперты на засадах моральных и здоровых, на Божой правді, зацеленой христианским світопоглядом.

Така дітина може сміло пустити ся в вир

житевой борбы и выйде с ней все переможно, бо дорога, яком пустили ю побожны родичи, єст, хоц часом терниста, але проста и без крутов.

Так выхована молодеж иде сміло до читальни и до кооператыва, иде отважно меже людей, стає ся полноартостном одынином своего народа и добрым гражданином державы, а также надеждным и честным работником на назначеной ей ниві.

Она не сойде николи с обраного пути, бо знає, же при ней єст Бог, у ней єст віра в свои силы и віра в силу цілого народа. От так выхованой молодежи не грозит нияка опасность, ани зрада, ани крутарства, ани шахрайства. Лем така молодеж даст народови и державі певность удержаня ся и розвита.

Прото тыж с новым роком зачнйме нове житє. Проч сє звадами и сварками, а на их місце най водворят ся христианска любов и згода. Звертайме передовсем увагу на выховане наших дітей, штобы оно операло ся на засадах моральных и здоровых, на правді Божой и науці Церевы. Приучуйме тоту молодеж до организации и совокупного, товариского житя, а коли то все зробиме, можеме собі сказати, што с новым роком зачали мы нове житє.

По визиті министра Бека в Німеччині.

Министер загр. справ г-н. Осиф Бек бавил в часі Риздвяных Свят в полудневой Франции. Вертаючи до Польци, вступил он до Берхтесгаден и Мюнхена, где перевел розговору с канцлером Гитлером и нм. министром загр. справ Риббентропом. Дня 7. січня вернул он до Варшавы.

Праві 3-годинна бесіда министра Бека с канцлером Гитлером выкликує в цілой Европі велике заинтересоване. В бесіди той порушено в атмосфері откровенности и приязни все актуальны справы, интересуючи обе державы, при чом гдеякы пересадны поголоскы о политычных наміренях Німеччины во веходной Европі, котры розсівали рижны кругы, не нашли потвердження.

Оба правительства привязуют велику вагу до добрых взаимных сусідских отношень и хотят удержати их в будущем.

Конференции министра Бека приписуют велике значене. Многы заграничны газеты уважают тоту визиту за важный крок до удержаня мира в Европі.

Испания знова монархиом.

В Лондоні кружат поголоскы о возможности погоды меже б. королем испанским Альфонсом XIII. и его женом, королевою Ено.

Королева Ена, жиюча стало в Лондоні іхат в том тыждні до Риму, где має встрітити ся со своим мужем. Окружене королевы Ены єст певне, же дойде до погоды.

По погоді той правдоподобно ген. Франко має зділати королеви Альфонсови предложение вернути знова на королевский престол Испании.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., ¹/₂ сторони 60 зл., ¹/₄ сторони 35 зл., ¹/₈ стор. 20 зл., ¹/₁₆ стор. 10 зл.; оголошеня малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знижка.

Контото чекове Нр. 404.155.

С терену войны в Испании.

В Испании не устает война. В последнем часе пропустил ген. Франко сильную офензиву, от которой залежит его победа и которую цела Европа следит с великим увагом.

Причином того заинтересования ест факт, же премьер Англии Чемберлен має зажадати от Италии выцофания италиянских войск с Испании и за того дае Италии помоч финансову и господарчу.

Чемберлен має высунути также предложение заперестати воевати в Испании и поклика-

ти международную арбитражную комиссию для поладжения испанского конфликта. Англия не хоче однак признати ген. Франко за сторону воюющую.

Отвѣт Италии буде залежати в великой мѣри от результата офензивы ген. Франко. Если ген. Франко в междучасѣ переломит силу республиканских войск, в таком случае Италия не захочет нич уступить, в противном разѣ стане ся больше уступчива.

Конфликт меже Чехиом и Мадярщином.

В субботу, в перший день Риздвяных Свят войска ческы и группы „украинских молодцов“ Волошина напали на мадырскы постурнки в Мукачево.

Напад был отпертый, не меньше однак по сбох сторонах сут жертвы в людях. Мадярщи-

на зголосила по той причинѣ острый протест и вызначено мѣшану комиссию, котра має перевести следство в справѣ конфликта.

На разѣ обѣ стороны высказали надежду, же переведут такы заряджѣня, котры выключат повторѣня ся таких инцидентов.

Чого повинна учить ся наша молодеж.

В последних часах утерло ся мнѣне, же по сконченной науцѣ в школах не можна достати посады, а если гдекому удаст ся ю достати, то платня ест так мала, же трудно за доставаны гроши выжити. Мнѣне тото приняло ся прото, бо у нас все ище и то правѣ все думают лем о посадах рядовых, все хотѣли бы быти урядниками, учителями и т. д., а мало кто иде до фаховых школ, штобы научити ся ремесла.

Через такѣ поступане стаеме ся свидками не одной, а двох бѣд. Одна бѣда лежит в том, же наравду все уряды сут запханы и многы кандыдаты на урядников мусят долги лета ждати на якуси посаду, а друга бѣда, значно больша, совмѣчат ся в том, же терпиме на недостаток квалифицированных работников, котрых не можна найти навѣт со свѣчком в день.

Квалифицированный работник был у нас все в высокой цѣнѣ, бо его николи не было за много, а тепер в виду развивающого ся промыслу в Центральном Окрузѣ Промысловом дае ся в знакы цѣлковитый недостаток квалифицированных сил.

Бракуе доброго коваля, слесара, столяра, а особенным спросом тѣшат ся монтеры, электротехники и квалифицированы машиновы работники, котрым платят там королевскы платни.

Такы работники не потребуют николи бояти ся того, же не достанут посады и они зарабатуют значно больше от высокого урядника. До таких школ отже повинна ся горнути в першой мѣри тота наша молодеж, котра скончила мѣстову народную школу (6 або 7-клясеву).

Также по оконченю гимназии кто лем має замилванѣ до ремесла, повинен ити до технических школ рижного тыша, котры дадут ему также, як то гварят, кусник хлѣба с маслом. Техника робит тепер величезны поступи и с ей поступом буде развивати ся промысел, нѣт отже обавы, штобы люде, якы окончили техничны школы могли найти ся без работы и вартату труда. Для них найде ся все работа и то работа добре платна.

Ест ище одна наука, трудна, але така, котра обезпечат также добре тых, котры ю копчили. Ест то наука **стенографии**.

Стенографоф в Польцѣ бракуе и добры стенографы зарабатуют также барз добре. Стено-

граф в купецтвѣ заребат 300—400 зл. мѣсячно и обовязанны ест робити денно всего 5 годин. Стенограф, котрый робит дорывчо, достает за годину писаня от 30—50 зл. Як с того видно, заробкы сут цѣлковито добры.

Стенография однак не ест науком ани легком ани милым. Треба долгой и вытравалой науки, штобы дойти до вымаганой скорости и точности.

Если стенографу потрафит писати со скоростью 100—120 слов на минуту, може старати ся о мѣсте в купецтвѣ, або в журналисткѣ. Стенографы „живого слова“ мусят писати со скоростью што найменьше 120 слов на минуту, а стенографы парламентарны потуют до 160 слов на минуту. Скорость тота доходит нераз до 200 слов на минуту и таких стенографов глядат ся в Польцѣ со свѣчком.

Стенографии може учить ся лем такы, котрый має барз добрый слух, скору ориентацию, дарования каллиграфичны и основне образование. Стенограф повинен скончити по крайней мѣри гимназию, бо чим он сам больше умѣет, тем легче ест ему записовати чужы слова.

В Польцѣ сут школы и курсы стенографии, поставлены дост высоко. Але не выстарчит скончити школу чи курс, лем долго потом вправляти ся, штобы дойти до потребной скорости. Як всеяди, так и ту лем добра, квалифицирована сила може числити на певны заробкы.

ДОЖДЖ И БУРЯ, КОЛИ ХОЧЕМЕ.

Инженер аргентинский Джон Байгори Веляр сконструовал аппарат до выкликания дожджу. Аппарат выкликуе через скомбинованѣ гдеяких металей электромагнетичны волны, котры стягают на землю дождж и бурю.

Переведены пробы дали подобно добры результаты. В провинции Сантьяго дель Естеро, где дожджи сут барз рѣдки, уставлено аппарат и по 122-ох годинах перешла над провинциом сильна буря с дожджем, громами и вѣтром, котра продолжала ся 3 години. По бурѣ лял дождж ище через 8 годин.

Вынаходом инж. Веляра заинтересовали ся учены аргентийскы.

Волна с копыт и волокно с чатины.

Ян Кубицкий, хемик с Лодзи по 6-лѣтних пробах зробил с отпадков копыт быдлячих сынтетичну волну о цѣхах и свойствах натуральной овечой волны. Волну тоту названо „волнолит“.

Вынаход опатентовано в краю и заграницом.

Тот самый хемик зробил с сосновых игол (чатины) натуральне волокно, названѣ через него „лехилля“, котрым можна заступити волокна кокосовы, ютовы и баволняны. Практичны пробы дали добры результаты.

Его вынаходом ест также передѣлка льну и конопель на т. зв. „контонину“, котра цѣлковито заступат сироваджану до тепер баволну.

Жидаы мают достати Абисынию.

„Евенинг Штандард“ доносит, же Муссолини має предложити Чемберленови проект независимой жидовской державы. Мнѣнем газеты, Муссолини може предпряти в великих розмѣрах акцию, стремячу до тревалой розвязкы жидовской справы под условием, если Англия и Франция будут содѣйствовать.

Плян, якый Муссолини предложит Чемберлену, обнимат отступленѣ через Италию абисынской провинции Гаррар с доступом до моря через италиянску Сомали, котру Италия также отступит в разѣ, если Франция отступит пристань мореку Джибутти, а Англия пристань мореку Зеяля.

Территория утвореной с тых земель державы екладала бы ся с мало здоровых тропических низин над морем и здоровых высочин. Низины, помимо, же не надают ся специально для европейской колонизации, сут богаты, мают богаты залежи минералов, котры допомогли бы жидам сотворити промысел на здоровых высочинах.

Джибутти стало бы ся одним с наибольших центров торговельных в Африцѣ, треба бы лем побудовати там отвѣтны устройства пристанны и новы линии желѣзнодорожны.

Земли тоты были бы перезначены не лем для немецких жидов, але также для жидов с иных держав як с Польци, Румынии и т. д.

Емиграцийный банк жидовский.

Шведскы газеты доносят, же жидовскы кругы финансовы в Злученых Стейтах, Швеции и Польцѣ приготавлиют план основаня банку, котрый облегчил бы эмиграцию жидов с Нѣмеччины и Польци.

Во главѣ группы шведской стоит знанный банкир Оляф Ашберг, котрый має выхати до Парыжа и погодивше до Нью-Йорку в цѣли обговореня пляну.

Если буде приготовленый точный план, организаторы предложат его правительствам рижных держав в цѣли загарантованя официальной поддержки.

Головны отдѣлы банку мают быти открыты в Польцѣ и в Злученых Стейтах Полн. Амерыкы.

Чи дали вы уж лепту на зимову помоч для безработных?!

С чого мають доходи селяне.

Польща єт краєм рольничим. Здавало бы ся отже, же основом житя єт у нас зерно. Тымчасом так не єт. Давнійше, коли в Польщі были великы дворы, господарства сельскы сперали ся на продукциі хлібных рослин, але тепер, коли дворскы ґрунты роспарцельовано, зменьшила ся продукція зерна и зерно служат хлопцу лем до выкормлення родин, а лем мала часть зерна иде напродай.

Читаючи статыстыку доходу сельского господарства, переконуєме ся, же люде, занимаючи ся сельским господарством (селяне и дворы) продают рочно:

1) зерна . . .	за 428 милионов зл.,	— 33%
2) рогатого скота, овец, коз . . .	за 250 милионов зл.,	— 19%
3) свиней . . .	за 618 милионов зл.,	— 48%
Разом		1.296 милионов зл., — 100%

Як є того видиме головным доходом сельского господарства єт не зерно, лем годовля худобы. Если зважити, же выже наведеной табелі не подано доходів є продажи домашних птахів (дробу), набілу, ярин, яиц и овочей, то доходи є зерна не выносят больше як 1/4 часть загальных доходів, якы дают сельскы господарства.

Если отже в цілої Польщі годовля звірат єт головным жерелом доходу, то тым больше села положены в горах повинни зашмарити цілковито господарства, обчислены на продукцію зерна и звернути всецілу увагу на господарства пашны и молочны.

Не можна того так розуміти, же селянини в горах має перестати совсем сіяти зерно, але

повинен сіяти єго недуже, лем на свою потребу и на фалатках землі добре спрогноєных и оброблєных, а не повинен сіяти єго на жбырках, где „брат лєдво брата дає“ и где могло бы быти добре пасовиско, але управного ґрунту николи доброго не буде.

Кромі того хлоп в горах мусит якнайскорше зрозуміти, же лука и пасовиско мають стати ся фундаментом єго добробыта и о тоты луку и пасовиска мусит дбати. Не выстарчит выйти на луку раз в році, втотчас, як треба косити и не выстарчит выгнати на пасовиско статок, але треба так луку як и пасовиска мати цілый рок в опеці и о них так памятати, як о загороді.

Кто хоче брати сіно, мусит дати рослинам корм в формі навозів натуральных, або штучных. Оплатит ся того значно ліпше, як при управных полях. Штобы увеличити пространство лук, повинен каждый гадза замінити на луку поля орны, дальше и выше положены, особенно убочисты. Через оране убочистого поля роздроблюєме єго урожайны и спрогноєны части и коли приходить злива, вода сполокує их и уносит до рік и потоків и остає ялова мертвица. При луці, покрытой травом не змыє вода спрогноєной землі и будеме мати хосен є той убочи, на котру тепер ніт по што ити є косом.

Маючи до волі сіна, не трудно буде прийти до ліпших корів, бо тоты самы, котры тепер ховаме, дадут значно больше молока. Ліпше хованы коровы дадут также красши телята, а є них выросне красший статок, котрый увеличит доходи єторских господарств.

Килько раз треба доити коровы в зимі.

Молочность корів залежит в першой мірі єт гатунку корів и их кормлення. Сут коровы молочнійши и меньше молочны, але ніт такой коровы, котра бы кормлена самом соломом и січком, давала дуже молока. От коровы треба молоко купити, т. зн. треба ю отвітно кормити. Але на молочность корів впливають также и гдєякы чинности, меже иншима регулярне доине корів.

Коровы належит доити так літом як и в зимі, все о том самом часі, бо доба єт все одинаково долга, при том треба доити их все **три раз денно**. По наших селах трафят ся часто, же гадзыні, як день стає ся коротший, доят коровы лем два раз денно, а то рано и вечером.

Через тоту тратят они дуже молока, о чом сами легко можуть ся переконати, вай лем попробуют через якийси час, нпр. через 10 дней доити при той самой паші и тоту саму корову доити передом корову 2 раз денно, а погодивше через 10 дней — 3 раз денно и най все міряют молоко. Покаже ся, же при 3-разовом доиню каждая корова даєт все больше молока, як при доиню 2-разовом.

Стане ся тоту цілковито зрозуміле, коли призадумаєме ся, є чого складат ся вымя (икра) коровы и як в ней творит ся молоко. Вымя єт скорным железом, таким самым, як железа котры вытворюют слину. Вымя складат ся є двох равных половин, правой и лівой. Каждая половина складат ся є двох частей, задной и передной, а каждая часть закончена єт дойкамаи (цышкамаи).

Над каждым цычком єт маленька комора, в котрой громадит ся молоко. Вымя складат ся є маленьких міхурчиков, от яких провадят тоненькы рурочки (каналыкы) до молочных комор. Міхурчыкы и рурочки сут так малы, же можна их видіти лем через сильно увеличаючи шкла (микроскопы). На стінах тых міхурчиков сут ище меньши міхурчыкы, котры называють частинкамаи, або клітинамаи.

И власне тоты частинкы роспадають ся и дают складовы части молока, а именно: білко, толц и молочный цукор. Через стіны волосковатых, кровноєных судин, якыма єт густо переткана ціла ткань вымени, пересыкат до вымени вода, котра лучит ся є толцом, білком и молочным цукром и так повстає молоко. Молочны частинкы роспадають ся все, а тым самым молоко творит ся все в вымени.

Коровы мають неоднаковы вымена. Одны мають вымена большы, инши меньши. Але и в найбільшом не може ся помістити больше як 2—3 литры молока. А преця сут коровы, котры дают и по 10 литров молока. Тоту переконує нас, же найбільше молока творит ся в часі самого доиня, а тым самым користнійше єт доити коровы 3 чим 2 раз денно, а при том належит корову выдоити все до послідной каплі молока.

В Редакциі „Лемка“ в Крыниці можна достати ріжны книжочки религийного содержаня.

Не поити худобу студеном водом.

По селах трафят ся часто, же люде выганяют коровы до потока, штобы они там напили ся воды. Поине студеном водом шкодит здоровю худобы. Худоба западат на тревалы недугы грудей и гортани.

Вода до поиня худобы не може быти студєна, а тым больше є лєдом. Найлучше єт поити худобу в стайні. В той цілі ставлят ся в одном куті стайні чисту бочку, до котрой приносят ся воду скорше, штобы постояла хоц лем пол добы до часу, коли даєме ю пити худобі.

В часі великих морозів, як стайня єт зимна, наливаме до такой бочки горячей воды и тым оґриваєме стайню. Если мусиме поити худобу при корытах на дворі, то належит до студєной воды в корыті долиати все ведро воды горячей.

Поити належит все чистом, свіжом и выстоялом водом. В тот способ хоронит ся скот перед неодном хворотом.

Доля хлопа и работника в Совітах.

Паньщина — слово, от котрого тремтіли наши діды — зачинат отроджати ся тепер в Совітах. Повстає она в Совітах не лем по селах, але также по фабрыках.

Работникы совітскы, сут неякобы власностю фабрыкы, так як передом панцизнийный хлоп (кріпак) был власностю дідича.

Совітский работник не може ведля власной волі змінити посады. Достає он так звану „книжку работы“ и без той книжки не достане нигде заняты.

Давно, перед революциом, бесідовано в Росии, же человек складат ся там є души, тіла и паспорта, а тепер бесідуют, же работник складат ся є души, тіла и „книжки работы“.

В той книжці єт подане єго назвиско, имя, образованє, квалификации и высота платні. В специальной рубриці мусит выписати заряд фабрыкы факт освободжєня и причину, чом работника звольнено, або чом позволено єму перенести ся до другой фабрыкы.

„Книжки работы“ робят отже работника кріпаком фабрыкы и сут особенно для добрых работников великом перешкодом до выстараня ся в иншой фабрыці о ліпше платне місце.

Корова, котра дає 52 литры молока денно. В Гегельов (в Меклембургии) єт корова, котра дає 52 л. молока денно. Єт то корова, котра бодай дає найбільше молока єо всіх корів в Европі. Згаданой меклембургской корові могут доровывати лем нечисленны коровы єо славных американских фарм.

Сушены грибы можна вывозити. Пачкы є сушеныма грибами, котры не важат больше як 4 кг. не подпадають стандарызаційной контролі. Их можна вывозити без цловой оплаты на основі позволеня промыслово-торговельных палат. Кто хотіл бы отже выслати своим знакомым грибы до Америкы, повинен внести просьбу безпосередно до промыслово-торговельной палаты о позволенє вывозу грибов без цловой оплаты.

Што чути в світі и в краю

Німеччина пожичила Турції 150 мільйонів марок. При кінці грудня м. р. підписано в Берліні договір, в силу котрого Німеччина пожичила Турції 150 мільйонів марок. Додати треба, же Турція хапат, где ся лем даст. В мин. році турецький промысел пожичил в Англії 15 мільйонів фунтов.

Католики в Німеччині без власной газети. Гитлеризм провадит от давна борбу с католицизмом. Діяльність католицьких організації встрічат великы перепони. Недавно послідовал новий удар. Перестала виходити послідна католицька газета „Германия“, котра виходила 69 літ. Газету перестали видавати сами редакторы и то не прото, штобы не было пренумераторов, а через напор гитлеровских властей.

Жидам не вольно „управляти німецькой землі“. В Німеччині появили ся два цікавы декреты. Один с тых декретов заборонят купувати жидам маленькых загородек, бо жида не мають там права „управляти німецькой землі“.

Другим декретом заборонено німецькой молодежи, а то хлопцам до 18 літ, а дівчатам до 21 літ курити дуган и папіроскы. Заказ тот выдал предводитель німецькой молодежи, указуючи молодежи на примір канцлера Гитлера, котрый не курит и не пє.

Волки загрызли чотырох хлопов. В селі Брустури (в Румунії) кырдель зголоднілых волков заатаковал село. Хлопы, бооружены в сокыры и ціпы выступили против волкам. Забито 14 волков, але волки загрызли на смерть 4-ох хлопов.

95-ох работников засыпал сніг. В провинции Тоюма в Японії середущой сніжна лавина засыпала 95-ох работников. Дотепер выдobyто с трудом парунадцетох забитых.

Пятиденный бой арабских террористов с английским войском. Палестына все ест подобна горіючого вулькана. В послідном часі англіки постановили за всяку ціну здавити повстанє и привернути лад в Палестыні. Сильны отряды англицьких войск окружили повстанцов, серед котрых находили ся численны предводители. По пятидневном завзятом бою посчастлило ся повстанцам перервати англицький обрuch и выцофати ся в горы. Втраты их выносили 60 убитых и 100 раненых. Предводители повстаня уважают того за добру ворожбу для себе на будучность в борбі с англіками.

Волки в Сувальціні. Над озером Вигры и в лісах августовско-сувальских появили ся численно волки, котры подходят громадами под села, непокоячи населєне. На дорозі с Волковиска до осады Піскы, коло так званого „замкового ліса“ 5 волков напало на переїздяючих 4-ох хлопов, котры потрапили утечи, мечучи на волков запалєну вязанку соломы.

Загадкове самоубийство царского генерала. Недавно застрілил ся Василий Миркович, б. генерал царский и б. губернатор губернии воронежской. Жил он в своем маєтку Розвань недалеко Отрога над границом совітско-польском. До Мирковича на пару дней перед смертю зашол якийси мужчина, припускательно агент Г. П. У., бо сліды за ним урвали ся над границом. Он тыж — видимо — шантажовал Мирковича так, же тот исповідал ся в церкві и застрілил ся.

В Америкі в часі свят згынуло 263 людей. В часі Риздвяных Свят в Америкі згынуло 263 людей, котры нашли смерть переважно в результаті катастроф самоходовых.

Знаходка мало не забила хворого. Низко стоит ище просвіта на селах виленского и других восточных повітов. Недавно мал в одном тамтешном селі случай, котрый ярко иллюструє темноту тамтешного населєня. Хлоп Пошло хворіл от долного часу на падачку. Коли єсі домашны лікы не помагали, звернул ся по порадку до знаной в окрестности знаходки Варвары Бусь, котра орекла, же хлопа опутал диявол и треба его выгнати через бите до кырви хворого розгами с трепеты и через окурєне его дымом с зел.

Брат хворого, котрый недавно вернул с войска, иначе смотріл на тоту курацію и коли увиділ, же словами не переконат никого и же хворый аж сомліл при курації, удал ся на постерунок граничной стражи, просячи о ратунок. На счастье застал там лікара, котрый вырвал хворого с рук відьмы и перевез до шпиталі. Знаходком и єй помочниками заинтересовала ся поліція.

Выкрыте 16-ох горільнь в пов. виленском. Перед святами в пов. виленском почали масово фабрыковати самогонку. В звязи с тым спеціальны брыгады контрольны выкрыли при

помочи поліції 16 тайных горільнь. Сконфісковано великы масы спирта и апараты.

Новорочный подарунок для Чемберлена. Ест в світі звычай, же на Риздвяны Свята и Новый Рок знакомы и приятелі обдаровуют ся взаимно. Подарунки такы ест доказом памяти и любви и милом памятком от знакомых. В том році достал новорочный подарунок также премьер Англії, Чемберлен, лем же он напевно ся подарунком не утішил, бо работники подаровали ему черну трумну, яку в ночи перед новым роком поставили перед домом Чемберлена. Полиція на другый день усунула тот макарбрычний подарунок.

Сніг присыпал трох студентов в Татрах. Недавно на трох студентов Гданской Политехники; Глицинского, Космоевского и Зарембу, котры выбрали ся на нартах в Татры упала величезна лавина сніжна, гребучи их под снігом. До того часу не отнайдено их тіл, помимо, же спеціальна експедиція, зложена с 30-ох людей уж от давна старат ся отгорнути сніг. Один с погыбших трагично ест Станислав Заремба, котрый в процесі о убийство дочки Зарембы своим свідочством причинил ся головно до засудженя Горгоновой.

Памятайте о зимовой помочи для безработных и их дітей!

Комунальна Каса Ощадности Повіта Краковського в Кракові

Рок основаня 1882.

ЦЕНТРАЛЯ КРАКОВ, УЛ. ПИЯРСКА 1.
тел. 115-97, 131-73, 101-03.

Отділення: КРЫНИЦА, тел. 112.
ВЕЛИЧКА, тел. 6.

Всі поручєня входячи в область банковости.

ПОРУЧЄНЯ ДЕВИЗОВЫ
ПОРУЧЄНЯ БИРЖОВЫ
СХОВОК АВТОМАТ.

СУМА ВКЛАДОВ ПОНАД 35.000.000 ЗЛ.
МАЄТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.

ДЕРЖАВНЕ ЗАВЕДЕНЄ КУРАЦИИНЕ
В БЕСКИДІ ЗАПАДНОМ

КРИНИЦА — ЗДРОЙ

Доїзд СКОРЫМА ПОїЗДАМИ через Тарнов—Новый Санч
ВАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнійша щав алькалична Европы. (Польске Виши), купелі минеральны: квасоуглевы и боровиновы. КУПЕЛІ СОНЕЧНЫ. — — Заведєне заосмотрєне в найновійши приряды лічничы. — — Купель газовой сухы.

Пияльня и лазенкы, огріваны в зимі центрально. — Дом здровый покои с теплом водом.

РЕСТАВРАЦИЯ — ДАНЦИНГ — ЧИТАЛЬНЯ — РАДИО

Театр в сезоні головно, кино, спорты літны и зимушны.

Крыницкы воды лічат:

хвороты сердца, жолудка, жолчи, печенкы, проводов мочовых, женочи, малокровіє, нервы — дійствуют добре на переміну материи и т. д.